



Broj: \_\_\_\_\_  
Ilidža, \_\_\_\_\_ godine

## PRIJEDLOG

Na osnovu člana 13. Zakona o principima lokalne samouprave Federacije Bosne i Hercegovine („Službene novine Federacije BiH“, broj 49/06 i 51/09), člana 6. 30. i 32. Zakona o premjeru i katastru zemljišta („Službeni list SR BiH“, broj 14/78, 12/87 i 26/90 i „Službeni list R BiH“, broj 4/93 i 13/94), člana 28. Statuta Općine Ilidža Prečišćeni tekst („Službene novine Kantona Sarajevo“, broj 33/10 i 18/16), na osnovu Mišljenja Federalne uprave za geodetske i imovinsko-pravne poslove Sarajevo broj: 05-26-1-297/2026 od 13.02.2026. godine, Općinsko vijeće Ilidža na \_\_\_\_\_ redovnoj sjednici, održanoj dana \_\_\_\_\_ godine, donosi:

## O D L U K U

### o utvrđivanju i obilježavanju granica katastarske općine Doglodi sa susjednim katastarskim općinama

#### Član 1. (Predmet Odluke)

Općinsko vijeće Ilidža utvrđuje granice katastarske općine Doglodi sa granicama katastarskih općina Bojnik, Reljevo, Rajlovac i Novo Sarajevo IV (Općina Novi Grad Sarajevo) i katastarskih općina Stup, Ilidža, Osijek (Općina Ilidža), na temelju Elaborata utvrđivanja i obilježavanja granice KO Doglodi sa susjednim katastarskim općinama, (koji je sačinjen od strane Komisije za utvrđivanje i obilježavanje granica katastarske općine Doglodi sa susjednim katastarskim općinama) i Mišljenja Federalne uprave za geodetske i imovinsko-pravne poslove Sarajevo broj: 05-26-1-297/2026 od 13.02.2026. godine.

#### Član 2. (Zaduženja)

Zadužuje se Služba za imovinsko-pravne, geodetske poslove, katastar nekretnina i upravljanje imovinom Općine Ilidža da u saradnji sa Federalnom upravom za geodetske i imovinsko – pravne poslove, nakon stupanja na snagu ove Odluke, izvrši promjene kroz katastarske planove, geodetski elaborat i katastarski operat kao i promjene kroz bazu podataka katastra zemljišta i karastra nekretnina, a sve u skladu sa članom 32. Zakona o premjeru i katastru zemljišta.

**Član 3.  
(Zaduženje)**

Zadužuje se Općinski načelnik Općine Ilidža da o poduzetim aktivnostima dostavi izvještaj Općinskom vijeću.

**Član 4.  
(Sadržaj Odluke)**

Sastavni dio ove Odluke je Elaborat utvrđivanja i obilježavanja granice KO Doglodi sa susjednim katastarskim općinama izrađen od strane Komisije za utvrđivanje i obilježavanje granica katastarske općine Doglodi sa susjednim katastarskim općinama i Mišljenje Federalne uprave za geodetske i imovinsko-pravne poslove Sarajevo broj: 05-26-1-297/2026 od 13.02.2026. godine.

**Član 5.  
(Stupanje na snagu)**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI  
OPĆINSKOG VIJEĆA**

*Tarik Stambolić, magistar poslovnog prava*

**DOSTAVLJENO:**

- 1 x Federalna uprava za geodetske i imovinsko-pravne poslove Sarajevo  
Ul. Hamdije Kreševljakovića broj 96, Sarajevo
- 1 x Pravobranilaštvo Općine Ilidža
- 1 x Služba za imovinsko-pravne, geodetske poslove, katastar nekretnina i upravljanje imovinom Općine Ilidža
- 1 x Služba za koordinaciju rada mjesnih zajednica
- 1 x Općinsko Vijeće Ilidža
- 1 x Kabinet općinskog načelnika-za objavu na web stranici Općine Ilidža
- 1 x „Službene novine Kantona Sarajevo“
- 1 x Evidencija
- 1 x a/a



## O b r a z l o ž e n j e

### I PRAVNI OSNOV

Pravni osnov za donošenje Odluke sadržan je u članu 13. Zakon o principima lokalne samouprave u Federaciji Bosne i Hercegovine pravima ("Službene novine Federacije BiH", broj 49/06 i 51/09), članu 28. Statuta Općine Ilidža – Prečišćeni tekst («Sl. novine Kantona Sarajevo» broj: 33/10 i 18/16) kojim je propisana nadležnost Općinskog Vijeća Ilidža, a u vezi sa članom 6., 30. i 32. Zakona o premjeru i katastru zemljišta („Službeni list SR BiH“, broj 14/78, 12/87 i 26/90 i „Službeni list R BiH“, broj 4/93 i 13/94).

### II RAZLOZI DONOŠENJA

Odlukom Općinskog vijeća Ilidža o pokretanju postupka obnove premjera na području Općine Ilidža broj: 01-02-2345/21-8 od 24.06.2021. godine, te Odlukom Vlade Federacije BiH o obnovi premjera na području Općine Ilidža broj: 1303/2021 od 19.08.2021. godine pokrenut je proces obnove premjera koji će rezultirati tačnim i pouzdanim podacima o nekretninama kao i korisnicima nad istim.

Rješenje Općinskog vijeća Ilidža broj: 01-02-2574/25-6, na sjednici održanoj dana 27.03.2025. godine ("Sl. novine KS" broj: 15/25), imenovana je Komisija za utvrđivanje i obilježavanje granice katastarske općine Doglodi sa granicama katastarskih općina Bojnik, Reljevo, Rajlovac i Novo Sarajevo IV (Općina Novi Grad Sarajevo) i katastarskih općina Stup, Ilidža, Osijek (Općina Ilidža).

Komisija za utvrđivanje i obilježavanje granica, izradila je Elaborat utvrđivanja i obilježavanja granice KO Doglodi sa susjednim katastarskim općinama od decembra 2025. godine, na koji je Federalna uprava za geodetske i imovinsko-pravne poslove Sarajevo, dana 13.02.2026.godine svojim aktom broj: 05-26-1-297/2026 dala Mišljenje da je isti izrađen u skladu sa Zakonom o premjeru i katastru zemljišta i Pravilnikom o snimanju detalja.

Također, prema navedenom mišljenju Komisija imenovana Općinskim vijećem Ilidža je provela postupak uvrđivanja i obilježavanja katastarske općine Doglodi u skladu sa čl. 30 Zakon o premjeru i katastru zemljišta i člana 17. Pravilnika o snimanju detalja, čime su ispunjeni uslovi za potvrđivanje granica katastarske općine Doglodi propisane članom 32. Zakona o premjeru i katastru zemljišta.

Temeljem ovako utvrđujućeg činjeničnog stanja, u skladu sa zakonskim odredbama, u cilju provođenja nastalih promjena u katastarskom operatu, predlaže se Općinskom vijeću da Odluku usvoji u predloženom tekstu.

*Izradila: Hadžiahmetović Ajla, dipl. pravnik*

*Kontrolisao: Jasmin Voloder, Mr. iur.*

